



## ԸՆՏԱՆԻՔԻ ՎԵՐԱՄԻԱՎՈՐՈՒՄ

(ամուսնությունն արդեն գրանցվել է, միայն Գերմանիայի համար)

### Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. [www.eriwan.diplo.de](http://www.eriwan.diplo.de) :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները և նմանատիպ փաստաթղթերը պետք է ներկայացնել բնօրինակով և ապոստիլով/լեզալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- **Դիմումի քննությունը և մշակումը սովորաբար տևում է 6-16 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, ինդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար: Ոչ լիարժեք փաստաթղթերը կարող են դանդաղեցնել գործընթացը և հանգեցնել դրանց վերադարձի կամ մերժման: Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:
- **Խնդրում ենք դիմումի վերոնշյալ մշակման ժամանակահատվածում, ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:
- Բոլոր փաստաթղթերը (հատկապես անձնագրի պատճենները) պետք է **ներկայացնել A4 ձևաչափով**՝ առանց ամրացնելու, կարելու և թափանցիկ թղթապանակների:

Սկզբունքորեն բոլոր փաստաթղթերը պետք է ներկայացնել բնօրինակով և մեկական պատճենով: Խնդրում ենք փաստաթղթերը դասավորել այսպես.

- բոլոր բնօրինակ փաստաթղթերը՝ ստորև նշված հերթականությամբ.
- Դիմում-հարցաթերթիկը՝ հայտարարության հետ միասին, և բոլոր թվարկված փաստաթղթերի ընթերցանելի և ոչ մուգ պատճենները՝ ստորև նշված հերթականությամբ.

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

## **Անհրաժեշտ փաստաթղթեր**

- գերմաներենով կամ անգլերենով լիարժեք լրացված դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող էք գտնել դեսպանության կայքում՝ սույն հղումով. <https://videx-national.diplo.de>,
- անհրաժեշտության դեպքում՝ երկու լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 3 նոր, բիոմետրիկ լուսանկար, երկուսը խնդրում ենք սուսնձել դիմում-հարցաթերթիկներին,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- ամուսնու/կնոջ ճամփորդական անձնագրից պատճեն, առկայության դեպքում նաև Հայաստանի մուտքի-ելքի կնիքներով/վիզաներով էջերի պատճենները, եթե նա Գերմանիայի կամ Եվրամիության երկրների քաղաքացի չէ, գերմանական կացության թույլտվության պատճենը:
- ապոստիլով հաստատված ամուսնության վկայականի բնօրինակը, ամուսնության վկայականի նոտարի կողմից հաստատված թարգմանությունը:
- սեղմ հարցաթերթիկ՝ ամուսնուն կամ կնոջը վերամիավորվելու/ ամուսնություն կնքելու վերաբերյալ: Խնդրում ենք հարցաթերթիկը (word նիշք) ներբեռնել այս հղումով [հղումով](#), լրացնել այն գերմաներեն՝ համակարգչի
- Աշխատող ամուսնու/կնոջ դիմումի հետ ժամանակային առումով կապակցված դիմում ներկայացնելիս՝ ամուսնու/կնոջ աշխատանքային պայմանագրի պատճենը և նրա վիզայի պատճենը կամ դիմումի մշակման համարը
- գերմաներենի՝ եվրոպական չափանիշներին համապատասխան Ա1 մակարդակի իմացության մասին ապացույց՝ Գյոթե-ինստիտուտի „Start Deutsch 1“ սերտիֆիկատ կամ Ավստրիական լեզվական դիպլոմ կամ Test DaF –ի վկայական կամ telc Start Deutsch1-ի վկայական: Լեզվական գիտելիքների ապացույցի մասին տեղեկությունները կարողեք գտնել [սույն հղումով](#):
- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կացության թույլտվություն՝ ռեզիդենտ քարտ (առնվազն վեց ամսվա):

## **ՄԵԿՆՈՂ ԵՐԵՆԱՆԵՐ (յուրաքանչյուրի համար ներկայացվում է առանձին դիմում)**

- դիմում-հարցաթերթիկները, լուսանկարները, անձնագիրը, պատճենները՝ ինչպես նշված է վերևում
- ծննդյան վկայականի բնօրինակը՝ հաստատված ապոստիլով, ինչպես նաև ծննդյան վկայականի նոտարական թարգմանությունը

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

- անհրաժեշտության դեպքում հայրության ճանաչման վկայականը՝ հաստատված ապոստիլով, ինչպես նաև հայրության ճանաչման վկայականի նոտարական թարգմանությունը
- ապացույց միակողմանի խնամակալության իրավունքի վերաբերյալ (հայկական իրավասու դատարանի վճռի, մահվան վկայականի կամ չմեկնող ծնողի համաձայնության բնօրինակը՝ հաստատված ապոստիլով)՝ նոտարի կողմից վավերացրած և թարգմանությամբ: Գերմանիայում բնակվող ծնողի մոտ տեղափոխվելու դեպքում տվյալ ծնողի նոտարական վավերացմամբ համաձայնությունը (բնօրինակի առկայությունը պարտադիր չէ):

**Գերմանիայում ապրող ծնողների մոտ անչափահաս երեխաների տեղափոխման համար տե՛ս «Երեխա-ծնող վերամիավորում» հուշաթերթիկը.**

Դեսպանությունը հուշում է, որ համաձայն Կացության մասին օրենքի §82–ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

### **Կարևոր ցուցումներ**

Ձեր ուշադրությունն ենք հրավիրում այն հանգամանքի վրա, որ **դեսպանության շենքում հյուպատոսական բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը չի համագործակցում որևէ տուրիստական ընկերության հետ: **Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

**Ոչ ոք չի կարող ազդել** Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի՛ վճարեք:**

Այցագրի հետ կապված հարցերի մասին արժանահավատ տեղեկություններ **Դուք կարող եք անվճար ստանալ** դեսպանության **հյուպատոսական բաժնի աշխատակիցներից:** Այլ անձինք տեղեկություններ տրամադրելու իրավասություն չունեն:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով: